



**Specvlvm Privilegiorum Regularivm In Commvni**

**Pedro <de los Angeles>**

**Coloniæ Agrippinæ, 1681**

Sectio I. Quæ Privilegia possint revocari validè, & licitè à Successore  
habente æqualem postestatem.

---

[urn:nbn:de:hbz:466:1-61715](#)

## DISPUTATIO QVARTA.

*De revocatione privilegiorum.*

**I**N tota privilegiorum materia, nihil à quæ necessarium invenitur, quam exacta notitia revocationum eorum. Pendent enim ex ea omnia, quæ pro praxi servanda sunt; idcirco inutilibus omissis, selectiora in sequentibus adducam.

## SECTIO I.

*Quæ privilegia possint revocari validè, & licetè à Principe concedente, vel à successore habente aqualem potestatem.*

**I41.** 1. Cum difficultas procedat de privilegijs concessis, seu concedendis à Romanis Principibus respectu fidelium; principiè Religiosorum, qui omnes peculiariter subditi illius sunt, non datur locus quæstioni, circa non subditos. Hoc enim solum ad alios Principes sæculares, potest pertinere, qui si semel concedant privilegia Ecclesiastica, nequeunt illa revocare, quia jam fiunt bona Ecclesiastica; sed quia hoc non est ad rem, ideo ab eo abstinendum.

**I42.** 2. Dico prius, privilegia merè gratuita, idest, quæ procedunt ex sola benignitate, & liberalitate Pontificis, revocari possunt, etiam sine aliqua compensatione, vel ab ipso, vel à suo successore, etiam nulla interveniente causâ, semper validè, & meo videri, semper licetè in praxi; quia semper fieri ex aliqua causa. Non enim est credendum Summum Pontifice, absque aliqua causa rationabili, velle revocare gratias à se absolutè concessas. Hoc enim de tanti Patrii sanctitate, & benignitate nefas est suspicari. Conclusio est certissima in omnium opinione; nam in tali casu privilegium pender ex sola voluntate Papæ in sui conservatione, sicut in sui con-

cessione, & sub hac conditione intelligitur concessum, quod aliqui limitant, nisi per tale privilegium acquisitum sit dominium alicujus rei, v. g. oppidi, vel domus, tunc enim privilegium non potest revocari sine gravi causa, ut dicemus infra, sic Pelizar. q. 6. n. 101. videatur Sanch. lib. 8. de matrim. disp. 33. n. 3. Suarez. lib. 8. cap. 37. num. 10.

3. Dico secundò, privilegia collata per modum contractus onerosi, et si cum urgente causa, & ob bonum publicum possint revocari, sed cum debita compensatione debet hoc fieri, quamvis enim Supremus Princeps ob bonum publicum, aut aliam urgentem causam, possit rescindere contractum initum cum subdito: quia semper intelligitur servata Supremi Principis auctoritate ad meliora operandum; non potest tamen tertium privare re suâ, absque eo quod illi faciat debitam compensationem, cum subditus non teneatur cedere gratis juri suo; si ipsi justa compensatio commodè fieri potest; sic Suarez. supr. cap. 37. num. 5. quem sequuntur alii. Hinc colligunt Doctores privilegium Bullæ Cruciatæ, & alia similia, non posse revocari à Pontifice utcumque; quia concessum est per modum contractus onerosi; hoc est, mediante pecuniam exhibitâ, pro Fidei detensione, ut ex ipsa Bulla constat; nisi ex justa, & publica causa, & cum restitutione ac-

H

ceptæ

ceptæ pecunia, vel cum debita compensatione: immo, & cum expressa revocatione illius, & interveniente novo contractu compensationis. Unde cum nullum istorum inveniatur in revocatione, quæ sit in anno Jubilæi, & in Bulla Cœna, non manet revocatum privilegium Cruciatæ, ut docent Sanch. de matrimon. diff. 33. num. 10. Portel. verb. Bulla, in fin. Rodr. & alij multi.

**144.** 4. Circa privilegia remuneratoria, propter servitia facta, vel facienda, distinctione utendum est. Nam si merita, ob quæ privilegia concessa sunt, dant privilegiato jus agendi, & actionem implorandi officium judicis, pro meritorum satisfactione, ut obsequia famuli servientis, etiam sine pacto, vel servitia militis in bello, liberè prælantis; quorum intuitu Rex, seu Princeps privilegium concedit illis, cum sapiat debitum ex contractu, quasi implicito, hujusmodi privilegium datur ex debito iustitiae, licet ex servitiis, quæ videntur liberasiter præstitis; & in tali casu non potest revocari, nisi modo dicto in conclusione antecedenti; sic Sanch. lib. 8. de matrimon. diff. 33. num. 4. cum alijs multis à se relatis, quos sequuntur cæteri moderni. Et hæc pacta sive explicita, sive implicita, tenentur Principes, & eorum successores omnino servare; alijs nulla pacta cum principibus, superioribus, & supremis, possent esse firma, & stabilia; quod est contra jus gentium, & contra rationem bene gubernandi; ita Paul. de Castr. in l. digna vox, C. de leg. Afflict. decif. 2. & 128. Boerius decif. 204

**145.** 5. Si verò obsequia, & servitia, ob quæ datur privilegium, fuerunt liberaliter exhibitæ, sed ex alijs titulis debita, etiam si illorum causâ, Princeps privile-

gium concedat; concessio, in rigore, non potest dici remuneratoria ex debito iustitiae, sed potius ex lege antidotali, id est, gratitudinis, vel benevolentiae, & benignitatis, & hujusmodi privilegia posunt revocari absque compensatione; quia tale obsequium non inducit obligationem iustitiae conservandi illa, sed ad summum, ex quadam gratitudine, & benevolentia: nam sicut prima concessio fuit ex gratitudine, non debetur compensatio, si tollatur, nisi ex sola gratitudine; de quo latè Suar. lib. 8. de leg. gib. cap. 27. num. 6. Ratio est, quia concedens privilegium ex gratitudine, non præsumiur se velle obligare ad compensationem in eventu quo auferat tale privilegium, nisi solùm ex gratitudine, quæ ex natura sua perit aliquid compensari, ne Princeps ingratus se ostendat; & nota, quod adhuc in hoc casu, ut privilegium remuneratorium revoceatur, requiritur justa causa respiciens bonum publicum, sive nova, sive antiqua, non prævisa tempore concessionis, quæ semper in Principe, præcipue Romano Pontifice, præsumitur; ita Menoch. conf. 156. num. 48. Suarez cap. 37. num. 9. & alij.

6. Merita autem debent exprimi 146. specialiter in privilegio concesso, ut constet esse remuneratorium, nec sufficit, ut in communi, & in generali exprimantur, juxta mentem Castri Palai, Tract. 3. diff. 4. p. 21. § 1. num. 6. Pelizar. q. 6. num. 106. sed ut bene notat Donat. cum multis, quæst. 10. num. 1. satis est ut constet, merita præcessisse, & licet in foro externo id debeat probari, in foro conscientiae non est necessaria alia probatio, quam ipsa veritas.

7. Hinc

**147.** 7. Hinc cum privilegia Regularium ferè omnia concessa sint per Romanos Pontifices, in præmium laborum, quos passi sunt, & quotidie patiuntur pro sanctæ Romanæ Ecclesiæ defensione, & augmento, ac animarum salute, prout ipi Pontifices, in multis Bullis, expresse testantur: merito dubitatur, an sint remuneratoria modo dicto, *num. 3.* & sic non possint revocari, nisi in casibus magnæ, & publicæ necessitatibus, & cum debita compensatione: An solum sint remuneratoria, juxta modum, *num. 4.* assignatum? Non pauci Doctores, nec inferioris notæ, sentiunt esse remuneratoria, ex cœla onerosa, & per modum contractus, saltem impliciti, ad modum famulorum servientium, & militum prælantium sine pacto: & sic non posse revocari, nisi servatis, quæ diximus *num. 3.* ita præfari Authores. Sed oppositum tenendum est, nempè privilegia Regularium (uno vel altero excepto, quando contractus expresse intercessit) esse solum remuneratoria, titulo gratitudinis, non vero justitiae, & sic posse revocari à Summo Pontifice, validè, & licite modo explicato, *num. 5.*

**148.** 8. Probatur primò, quia Princeps supremus ut est Papa, quando hujusmodi privilegia concedit suis subditis, absque contractu, non se obligat ad conservandum talia privilegia, si occurrat causa, quæ si à principio extitisset, Papa non concederet talia privilegia, nec posteros Pontifices privare valet illa potestate revocandi, ut benè Suar. *cap. 37.* *num. 9.* Merol. *Tom. 3 cap. 8. num. 474.* cum multis alijs, & sufficientissima causa reputatur, jus commune illibatum servare; & in casu violationis, ad illud redire, & sic quando dispensationem

eius concedit, potius ex sua benignitate concedit, quam aliunde; ita gloss. communiter recepta in *Cap. decet, de reg. jur. in 6.*

**149.** 9. Secundò probatur, quia omnia obsequia, & servitia Regularium, in utilitatem Ecclesiæ, & animarum salutem, sunt ex debito, & obligatione regulari, & status Religiosi; nam ad hoc teneantur ex pacto, & juramento praedito à fundatoribus Religionum, quo se, & suos posteros adstrinxerunt invigilare, ac nervosè laborare pro Ecclesiæ defensione, & pro salute animarum, admissaque sunt Religiones à Pontificibus ad hæc omnia procuranda, ut Episcoporum coadjutores; & sic ex debito statu perfectionis, quem proficiunt, talia servitia non possunt jus praebere Religiosis agendi contra Romanum Pontificem. Unde privilegia, quæ eis concedit, potius ex sua benignitate, & gratitudine procedunt, quam ex justitia. Verum tamen est, quod attendunt Pontifices ad servitia praedita, & præstanta, quamvis alias, ratione sui status, ad ea teneantur; ita Donatus *quest. 19.* per totam, alios citans, & *num. 13.* adducit exemplum, quod parum favet intentum in revocatione ab *Urbano VI. 1. Fa-*

*eta ad petitionem nostri Regis Philippi IV. omnium privilegiorum, quibus in illis Regnis, aliquo modo Regulates eximebantur, in aliquibus ab obedientia suorum superiorum; & nulli fuit facta compensatio, prout patet ex Bulla incip. *Pastoralu Officij* edita anno 1626. & habeatur *Tom. 4. Bull. Cherub Bull. 37.* sed hoc parum urget; quia talia privilegia erant personalia, & regulariter, magis extorta precibus, & diligentij hu-*

manis, quam meritis in obsequium Sanctæ Romanæ Ecclesiæ; & cum essent maxime nociva boni communis, non est mirum, quod illa Sanctus Pontifex revocaret, absque compensatione, declarando solum usque ad illud tempus potuisse extendi.

150.

10. Et si adhuc instes pro prima sententia, dicendo, quod multa obsequia, quæ sunt à Religionibus, videntur excedere limites sua obligationis (casibus urgentissimis exceptis) ut patet in rebus difficillimis aggressis ab ipsis, ut sunt labores maximi, & continui, in studiis, & concionibus fidelium, & infidelium, non solum cum maximo periculo propriæ salutis, sed & vitae. Ergo saltem ex hoc capite, privilegia concessa, & concedenda, reputanda sunt remuneratoria, plusquam ex debito gratitudinis.

151.

11. Respondeatur negari non posse, quod multa ex his operibus, excedunt debitum rigorosæ, & præcise obligatio- nis sua professionis, cum sint opera supererogatoria, sed cum siant, ut debent fieri, ex amore Dei, & proximorum à Deo expectanda est retributio, non à Romano Pontifice, nisi ad summum ex gratitudine, siquidem voluntariè, & gratiæ sunt. Non tamen nego, quod proprie ea præbeant sufficiens funda mentum, ut talia privilegia, quando re vocantur, seu restringuntur debeant intelligi cum minori restrictione possibili: Maxime si cedant in favorem animatum, quem semper intendunt Romani Pontifices. Et ideo in pertinentiis ad bona spiritualia, & salutem animatum, concessiones debent extendi, & revocationes restringi.

152.

12. Rursum instat P. Chalaing, tract. i. cap. 4. ibi acriter defendit, quod pri-

vilegia Regularium specialiter, quoad prædicationes, confessiones, & alia hujusmodi, non sunt privilegia gratiæ, sed transferunt ad jura quæsita concessa intuitu laborum, & sic jam non sunt meræ gratiæ, immo multa transferunt in rei judiciam, & sic nequeunt voluntariè revocari. Probat ex multis senten- tias Pontificum, & Conciliorum, contra opposentes te hujusmodi privilegijs, ut constat ex sententia Bonifacij Extravag. super Cathedram, de sepultur. quæ licet correcta fuerit à Benedicto XI. tamen postea à Clemente V. instanti Concilio Generali Viennensi in Gallia fuit de novo confirmata, & appellatur Cle- mentina, Dadam, de sepultria, adducit alia exempla ex diversis Pontificibus: Non ergo talia privilegia, sine gravissima cœla, & sine citatione partis, ut de claravit Vibianus VIII. ad Reg. 13. Can- cellariae de jure quæsito, & sine com pensatione, possunt revocari, neque mens Pontificis ita intendit in suis revo cationibus, quia jus tertii semper curat illibatum servare; omittit alia acriora, qua ibi iste Author adducit.

153.

13. Respondeatur, quod tantum probat hanc instantia, ut ferre nihil probet. Non enim hoc jus quæsitus fundatur in debito iustitiae, ex alio pacto, adhuc, impedito, quod erat necessarium, ut doctrina tradita à Patre Brunone habetur vim; sed fundatur in liberalitate, benignitate, & gratitudine Summi Pontificis, per obsequia debita aho titulo, nemp̄ professionis, & liberaliter exhibita, ex charitate ad Deum, & proximos. Quapropter si ad sit justa causa, possunt revocari absque requisitis in debito iustitiae; sic docent Suar. c. 37. n. 4. B. III.

4. Basil. de Leon. lib. 8. cap. 19. §. 2. num.  
3. Palao Tract. 3. disp. 4. punct. 21. §. 1.  
num. 6. Bonac. disp. 1. quest. 3. punct. 8.  
9. 3. num. 3. Unde ex dictis titulis (ut  
diximus) solum datur fundamentum,  
ut revocationes talium gratiarum, de-  
beant interpretari stricte, ut minus læ-  
dant; præcipue quando respiciunt salu-  
tem animarum, quam Romani Ponti-  
fices, ut veri Patres, & Vicarij Christi,  
semper præsumunt: ut intendere in suis  
Ordinationibus, scandalis, & litibus ex-  
clusis.

## SECTIO II.

De diversis revocationibus privilegiorum.

154. 1. UT cum majori distinctione, &  
claritate procedamus, & certa  
ab incertis separata maneat, aliqua  
prænotari oportet. Primum est, non  
semper esse idem *privilegium, rescriptum, gratiam, beneficium, & indulgenciam*,  
sed multoties diversa significare: *Rescriptum* enim intrinsecè petit, ut no-  
men ipsum præfert, quod in scriptis  
detur: siquidem *rescriptum* est respon-  
sum scriptum; ideoque per antonomasi-  
am responsa Pontificum, ad dubia ju-  
ris Canonici, in scriptis data, appellantur  
*Rescripta Pontificia*; sicut responsa  
Imperatorum ad dubia juris civilis, di-  
cuntur *jura civilia*; sic notant Curtius  
in *præsat. tract. ad Cap. cum tanto, de consuet. Suar. lib. 8. cap. 2. n. 7.* Hæc ta-  
men differentia, ut benemerat ipse Suar.  
valde materialis est: Nam responsum  
Principis, si ipse veller, posset sine scripto  
datur, & esset finitum, neque hoc est uni-  
versale, siquidem *privilegia frequentius in scriptis conceduntur*; & possent ita  
concedi: taliter, ut aliter non valeant,  
juxta Principis dispositionem. Insuper  
*Rescriptum*, secundum usum juris Cano-  
nici, & Civilis, est nomen generale, ad

2. Rursus, *Rescriptum*, aliud dicitur  
*Iustitia, aliud gratia.* Primum est; quod  
datur ad explicandum ius ad lites, vel ad  
decidendum jus inter partes, & hoc ma-  
nifestè differt à *privilegio*, siquidem da-  
tur, secundum commune jus, vel ad in-  
terpretationem ejus, vel ad debitam  
ejus executionem: Cum verum *privile-  
gium* semper detur, vel contra, vel supra  
jus commune, ut in ejus diffinitione di-  
ximus. Secundum, *Rescriptum* dicitur  
*gratia*, & est illud, quod versatur, vel cir-  
ca res, aut circa Canonica rescripta, quæ  
beneficia appellantur, & dantur ad  
collationem beneficiorum Ecclesiasti-  
corum; in quibus ex dispositione Ponti-  
ficum est omnino *scriptura necessaria*; alias  
nihil valebunt, ut dicitur in materia  
de beneficijs, & explicat Azor. lib. 5. inst.  
cap. 2. quest. 5. Quando autem *Rescrip-  
tum gratiae* versatur circa jus operandi,  
sub illo continetur *privilegium scriptum*; sed latius patet, quædam *privilegium*,  
quia continet sibi se alias *gratias*, seu be-  
neficia, quæ propriè *privilegia* non sunt,  
ut patet in dispensationibus, quæ solum  
dantur ad unum actum, quæ minimè  
privilegia dici possunt; siquidem de ra-  
tione *privilegij*, ut lex privata est perpe-  
tuitas, & ad plures actus conceditur. Ve-  
rum est, quod si dispensatio sit perpetua  
& ad plures actus concedatur coincidet  
cum *privilegio*: alias autem dispensa-  
tiones, ut in irregularitate, & similibus,  
non sunt *privilegia*, quia solum sunt ab-  
lationes impedimenti Canonici, quo  
sublato, liber manet, qui erat impeditus,  
& licet dispensatus (idem die de ablo-  
luto